

CORO
INFANTIL
XUVENIL *Cantabile*

**MEMORIA DE
ACTIVIDADES 2023**

ASOCIACIÓN MUSICAL Y CULTURAL CANTABILE

**Algo
más que
un coro**

1. A Asociación

A Asociación Musical y Cultural Cantabile, inscrita no Rexistro Nacional de Asociacións co número 169832, é unha entidades en ánimo de lucro e dotada de personalidade xurídica propia e plena capacidade de obrar, segundo o establecido na L.O. 1/2002, do 22 de marzo, reguladora do Dereito de Asociación. Xestiona a actividade do Coro Infantil e Xuvenil Cantabile.

Está inscrita tamén no Censo de Asociacións Xuvenís, dependente da Consellería de Política Social da Xunta de Galicia como Entidade prestadora de servizos á xuventude.

No momento de redacción desta Memoria, figuran como asociadas un total de 137 persoas. Pola súa banda, o Coro Cantabile contabiliza no ano 2023 un total de 54 coralistas, 29 rapazas e 25 rapaces, e 6 precoralistas.

2. Actividades

O fin principal da asociación, é promover entre nenos, nenas, mozos e mozas o interese pola música e a cultura. Este fin concrétase nos seguintes:

- A formación dun coro para a preparación e interpretación de música e posíbeis formacións musicais paralelas a ese coro cos mesmos fins, prestando especial atención ao aprendizaxe musical na infancia e a mocidade.
- A difusión da cultura, especialmente a música, e o seu emprego para favorecer o desenvolvemento cultural da nosa contorna.
- Propiciar a cooperación e o intercambio cultural entre a Asociación e calquera outra asociación musical ou cultural, xa sexan nacionais ou estranxeiras, en calquera das súas formas.
- A promoción da igualdade e a inclusión social das diversidades desde e na cultura e máis especificamente desde e na música.
- A promoción e defensa da lingua e a cultura galegas.

Este fin principal tradúcese, por unha banda, nos ensaios. Pola outra, na execución de concertos e actos musicais ou culturais, coa dobre finalidade de expoñer aos nenos e

nenas en proceso de aprendizaxe ante o público e, nalgúns casos, de contribuír ao sostemento desta actividade formativa.

Non podemos esquecer as actividades lúdicas, como maneira de facer atractivo o proceso formativo, de fomentar a solidariedade e o compañeirismo entre as e os compoñentes do coro habida conta da diferenza de idade, e de facilitar o traballo en equipo.

E así, o principal cometido da Xunta Directiva convértese na organización destas múltiples actividades que, como xa se dixo, forman parte do proceso formativo e financian a actividade do coro.

A actividade da Asociación durante o ano 2023 pode estruturarse en catro grandes apartados, desagregados a continuación:

2.1. Actividade formativa musical

A finalidade principal da asociación é a formación dun coro para a preparación e interpretación de música. Esta finalidade acádase a través da preparación dun repertorio nos ensaios ordinarios e extraordinarios que se convoquen, xunto coa impartición e organización de cursos especializados de canto ou técnica vocal. Estes últimos, ademais de para as persoas compoñentes do coro, están abertos a calquera persoa interesada. A formación desenvólvese durante todo o ano os sábados pola mañá. No período estival a rapazada do coro, democraticamente, elixe o horario que máis lle convén. Este calendario complementábase con ensaios extraordinarios cando a actividade do coro así o esixe.

Os obxectivos desta actividade son:

- Ampliación permanente do repertorio engadindo pezas, principalmente do barroco, e outras, prestando especialmente atención á música galega e outras obras corais, así como encargos ou pezas creadas ad-hoc.
- Incorporar novas voces ao coro que substitúan aos mozos e mozas que marchan. A taxa de abandono é importante, polo rango de idade dos compoñentes do coro que mudan de residencia por estudos, traballo, etc. Por suposto, a actividade do coro é complementaria para a formación da mocidade, polo que é imposible reter á xente que ten que marchar, así que

o obxectivo tradúcese na captación de novas voces para manter un número regular de coralistas.

- Impartir o curso anual especializado de canto. Este curso ten os seus obxectivos específicos que son profundizar na técnica para acadar un ótimo uso do aparato respiratorio aplicado ao canto e na correcta emisión da voz falada e cantada, facer esta profundización de forma amena e divertida e amosar os avances acadados, individuais e colectivos, diante do público, nun concerto específico coas pezas preparadas no curso.

Ensaio: Durante o ano 2023, Pablo Carballido del Camino, tenor e mestre de canto, programou os ensaios todos os sábados, de 11 a 14 horas. Durante os meses de verán, o director programou os ensaios pola tarde, a petición do coro, nos horarios que elixeron democraticamente.

A asistencia aos ensaios é obrigatoria para coralistas e precoralistas. É habitual tamén, traballando algunha obra musical, que os ensaios se organicen por cordas vocais, a requirimento do director, para o que o Coro emprega as dúas salas do local de ensaio.

Sección Xuvenil: A Sección Xuvenil, formada por coralistas maiores de 14 ou máis anos, e dirixida e autoxestionada polos seus membros. Durante o ano 2023, debido ós compromisos do coro, e á baixa asistencia durante o verán polas vacacións dos coralistas, a sección xuvenil veu minguada a súa actividade e non participou en ningún concerto do coro.

2.2. Actividades educativas

Durante a actividade formativa habitual, rematouse a preparación do Réquiem de Mozart. Este interpretouse, xunto con outras obras do compositor, no Concerto das Candeas, celebrado en xullo deste pasado ano 2023. Tamén se realizou (maio de 2023) o curso de canto, aberto e gratuíto, tanto para membros do coro coma para calqueira persoa entre 8 e 25 anos que quixese participar. Cabe destacar, no caso do curso de canto, que este ano acadamos 26 participantes, un número moi superior ó de edicións anteriores.

2.3. Actividades formativas socioculturais e lúdicas

A Asociación organiza anualmente como mínimo unha viaxe cultural na que se ofrece tamén un concerto nun lugar senlleiro do destino. Nesta ocasión o destino foi Asturias, visitando Covadonga, Ribadesella, Oviedo, Gijón e outros lugares de interese.

Como actividades lúdicas, celebramos o amigo invisíbel no mes de xaneiro así coma o tradicional torneo de fútbol sala. No mes de xuño organizouse unha visita á exposición *Picasso, branco no recordo azul*, no Museo de Belas Artes. A directiva iniciou a organización da festa de San Xoán mais non houbo interese entre os coralistas, polo que finalmente se desbotou a idea. Alén diso, no mes de decembro celebrouse a comida de Aniversario.

2.4. Outras actividades de interese comunitario

Como parte tamén do proxecto formativo, o repertorio preparado necesita ser interpretado ante o público, Así, a actividade de Cantabile xera unha oferta cultural de balde mais de calidade na cidade da Coruña e outras localidades. Dentro deste apartado destaca tamén Cantabile solidario, a través do cal a Asociación e o coro ofrécense para participar en actividades de interese comunitario, como a recadación de fondos para fines sociais, a visita a persoas maiores en residencias, con concerto incluído, etc.

Entre as actuacións que Cantabile fixo ó longo do ano podemos distinguir os seguintes apartados:

- Organización dos concertos propios incluídos no contrato que anualmente se asina co IMCE dentro do Plan de Apoio a entidades musicais.
- Participación no resto de concertos organizados polo IMCE ou o Concello da Coruña dentro deste Plan.
- Participación en eventos privados.
- Outros concertos solidarios ou en residencias de maiores.

Como resultado, desenvóléronse as seguintes actividades:

- Concerto de clausura do Curso de Canto - 14 de maio do 2023
- Representación musical na Igrexa de Santa María de Oia - 20 de maio
- Concerto nas Xornadas Presente e futuro na industria aeroespacial - 29 de maio
- Concerto de Solistas - 30 de xuño
- Concerto das candeas - 8 de xullo
- Concerto na Feira LGTBI - 15 de xullo
- Representación musical na Igrexa de Santiago - 15 de xullo
- Concerto en Nuestra Señora de Covadonga, Asturias - 2 de agosto
- Inauguración do encendido de Nadal no Centro Comercial Catro Camiños - 29 de novembro
- Inauguración do Nacemento artístico no Pazo Municipal de María Pita - 5 de decembro
- Representación musical na Igrexa das Capuchinas - 22 de decembro
- Concerto de Nadal. XXI Aniversario do Coro Cantabile - 28 de decembro

Polo tanto, aínda que o numero de concertos veuse reducido respecto ao ano anterior, principalmente por un menor número de eventos privados, pode considerarse positivo o grao no que se cumpriron os obxectivos.

3. Actividade xeral da Asociación

Este apartado inclúe todas aquelas actividades puntuais levadas a cabo pola asociación que non se poden circunscribir exclusivamente a algún dos outros programas ademais do traballo interno da asociación.

Os obxectivos son a elaboración e sometimento á asemblea ordinaria de socios e socias da memoria, contas, orzamento e inventaria, e a actualización constante da páxina web e dos perfís de redes sociais. A Asociación intentou estar presente en redes sociais e compartir co público a actividade do coro a través da nosa páxina web, lembranzas de viaxes, promoción dos nosos concertos... Alén diso, intentou actualizarse o blog periódicamente,

o que se viu traducido nun notable incremento das visitas á nosa páxina web respecto ao ano anterior e acadando un máximo histórico.

No ano 2020 a Asociación comezou a iniciativa do bono cultural para a rapazada do coro, como compensación pola imposibilidade de organizar a viaxe cultural debido á crise do COVID-19. No ano 2023, malia que a viaxe cultural anual foi levada a cabo con normalidade, continuamos con esta iniciativa, a cal agardamos que se manteña nos vindeiros anos.

A Asemblea Xeral Ordinaria e Extraordinaria, reunida o 28 de xuño de 2023 aprobou as contas, a Memoria de Actividades e elixiu nova directiva presidida por Mariana Boedo Buño.

4. Presencia nas redes sociais

A Asociación mantén actualizados os perfís en redes sociais do Coro. Conta, no momento de elaboración desta memoria con:



128 suscriptores



738 seguidores



1309 seguidores



1708 seguidores

Alén diso, a web rexistrou 8182 visitas, o que supuxo un incremento do 25% con respecto ao ano 2022.

Indicador	2019	2020	2021	2022	2023
Número seguidores X	1551	1307	1452	1321	1309
Número suscriptores YouTube	558	966	1050	1100	128*
Número seguidores Instagram	479	552	587	587	738
Número de visitas páxina web	7693	4240	7350	6500	8.182

*A nosa canle de Youtube experimentou un posible hackeo durante o 2023 e foi borrada xunto a todo o seu contido. Os datos desta táboa corresponden á nova canle.

5. Recursos económicos

A Asociación obtén, como se explica máis polo miúdo no documento coas contas do exercicio, recursos das cuotas das persoas asociadas, dos eventos para os que é contratado e das subvencións das administracións públicas ás que opta. Durante o ano 2023, optou ao Plan de Apoio ás Entidades Musicais do IMCE e do Concello da Coruña. O proxecto presentado a esta convocatoria opta cun caché variable dependendo do concerto de que se trate. O aporte económico por parte do IMCE pola totalidade dos concertos do ano 2023 foi de 10.000 €. Alén diso, o convenio nominativo que o Concello da Coruña ten coa nosa Asociación aportou 5.000 €.

A Asociación optou tamén á subvención en concorrencia competitiva da Deputación Provincial da Coruña para corais (5.474,70 €)

A pesar de ter garantidos os ingresos que proveñen das diversas subvencións cada ano, para o bo funcionamento da Asociación é fundamental o mantemento da masa social. Aproveitamos este documento para pedir a colaboración dos socios e das socias na xestión da asociación. Esta xestión implica unha elevada carga de traballo, máis unha carga gratificante polo que significa o proxecto Cantabile.

6. Indicadores de xestión:

Indicador	2019	2020	2021	2022	2023
Número de persoas asociadas	154	160	161	150	137
Número de coralistas	69	60	56	56	54
Número de precoralistas	2	5	0	2	6
Número de concertos	19	13	11	21	12
% execución plan apoio IMCE	100	100	100	100	100
Número seguidores X	1551	1307	1452	1321	1309
Número suscriptores YouTube	558	966	1050	1100	128*
Número seguidores Instagram	479	552	587	587	738
Número de visitas páxina web	7693	4240	7350	6500	8.182

7. Perspectivas de futuro:

Os datos amosados constatan que, durante o ano 2023, a Asociación levou a cabo a actividade con normalidade.

Aínda así, a Asociación non esquece o obxectivo de recuperación do número de coralistas perdidos nos últimos anos. Malia que cerramos o ano 2023 con 54 coralistas, agardamos que ese número se incremente no 2024 coas diferentes campañas de búsqueda de novas voces que se levarán a cabo nas nosas redes sociáis. Alén diso, pechamos o ano con 6 precoralistas, que se incorporarán coma coralistas ó inicio do vindeiro ano.

O incremento no número de coralistas repercutirá tamén no incremento da masa social e do número de persoas que poden participar na xestión. Cómpre para isto ter unha oferta formativa e musical atractiva, acompañada dun atractivo abano de actividades socioculturais e lúdicas paralelas.